



MENTRANSFORMASIKAN FIRMA-FIRMA DENGAN DANA IMPAK

Strategi pelaburan Malaysia Khazanah, berlandaskan rangka kerja 'Sebuah Negara Berdaya Cipta' atau 'A Nation That Creates' (ANTC), disasarkan untuk memajukan Malaysia ke dalam fasa transformasi ekonomi seterusnya.



Dana Impak terus memainkan peranan utama dalam mentransformasi firma-firma melalui pendekatan programatik berstruktur merentas bidang-bidang berikut: memangkinkan ekosistem Modal Teroka (VC) Malaysia melalui Jelawang Capital, menaikkan tahap Syarikat-syarikat Peringkat Pertengahan (MTC) dan mengukuhkan kedudukan Malaysia dalam semikonduktor dan pembuatan termaju. Dana Impak menyasar untuk membangunkan firma-firma yang mampu bersaing pada peringkat global untuk memacu pembangunan ekonomi Malaysia sebagai sebahagian daripada visi Khazanah dalam Memajukan Malaysia, berlandaskan rangka kerja ANTC. Ia juga menyasarkan untuk menangani ketidakcekapan pasaran, meningkatkan pengetahuan kolektif Malaysia dan melonjakkan produktiviti ekonomi. Keutamaan ini benar-benar sejajar dengan aspirasi negara di bawah agenda Ekonomi MADANI.

Kami mengamalkan pendekatan ekosistem holistik dengan struktur pelaburan mudah suai untuk menempatkan modal jangka panjang (patient capital) dan modal mangkin (catalytic capital) untuk memperoleh pulangan terlaras risiko impak yang berpatutan. Dana Impak juga disokong oleh SEMARAK rangka kerja pengukuran impak sosioekonomi yang mantap. Sebagai sebahagian daripada komitmen kami terhadap ketelusan dan kebertanggungjawaban, rangka kerja ini membolehkan kami menjejak hasil bukan kewangan pelaburan kami. SEMARAK juga menjadi kompas strategik yang memaklumkan dan menghalusi fokus Dana Impak untuk memaksimumkan impak positif bagi Malaysia yang makmur, saksama dan mampan.

Pada saat kami membentuk masa depan negara melalui rangka kerja ANTC, Dana Impak kekal sebagai pemangkin utama dalam mencipta pekerjaan bernilai tinggi dan memupuk inovasi melalui pelaburan dan kerjasama strategik.



MENTRANSFORMASIKAN FIRMA-FIRMA DENGAN DANA IMPAK

Memangkin Ekosistem Modal Teroka



Melalui Dana Impak, Khazanah melancarkan Jelawang Capital, National Fund-of-Funds (NFOF) kami untuk memacu pertumbuhan ekosistem modal teroka (VC) Malaysia melalui pelaburan dan kerjasama dengan pengurus dana. Ia membuktikan komitmen Khazanah sebanyak RM1 bilion di bawah rangka kerja Ekonomi MADANI untuk menyokong usahawan dengan pertumbuhan tinggi dan modal institusi himpitan ke dalam bagi pendanaan pada peringkat awal.

Dinamakan sempena dengan air terjun tertinggi di Malaysia, Jelawang Capital memainkan peranan sebagai pemangkin penting untuk mengalirkan modal jangka panjang ke dalam ekosistem VC tempatan bagi menyokong rakan kongsi am (GP), syarikat pemula dan usahawan.

Apabila syarikat pemula mencatat pertumbuhan dan berkembang maju, ia memacu inovasi, mencipta pekerjaan bernilai tinggi dan memajukan teknologi dan kemajuan ekonomi selain memperkaya masyarakat.

Syarikat pemula menjadi pemangkin pembangunan ekonomi dan sosial yang lebih luas setelah matang dan berjaya. Sumbangan mereka dari segi berkongsi amalan terbaik, menawarkan pementoran dan memberikan wawasan dapat membantu memupuk daya tahan lebih tinggi, ekosistem VC yang dinamik untuk generasi masa depan.

Jelawang Capital menyalurkan pelaburannya melalui pengurus dana baharu muncul dan telah bertapak bagi memastikan bahawa aliran modal kepada syarikat pemula yang cerah masa depannya dan memacu penciptaan nilai.

Teras misi ini ialah dua program utama:

- **Emerging Fund Managers' Programme (EMP)**, iaitu program berstruktur untuk menyokong pengurus dana Malaysia dalam meningkatkan dana pertama, kedua dan ketiga dengan matlamat untuk mewujudkan pengurus dana VC yang berdaya saing pada peringkat rantau dengan mengukuhkan tadbir urus dana, membina rekod prestasi dan modal himpitan ke dalam
- **Regional Fund Managers' Initiative (RMI)**, Inisiatif Pengurus Dana Serantau yang disasarkan untuk menarik pengurus dana serantau dan global yang komited untuk memperkaya ekosistem syarikat pemula tempatan dengan menyokong pertumbuhan syarikat pemula Malaysia sebagai pemain serantau dan global, memudahkan pemastautin semula syarikat global di Malaysia untuk meningkatkan keupayaan pekerjaan tempatan dan menarik bakat berkualiti dalam ekosistem Malaysia

Kedua-dua inisiatif EMP dan RMI akan membolehkan gabungan kepakaran, perspektif dan pengetahuan tempatan dan antarabangsa untuk mewujudkan ekosistem yang berdaya maju yang menyemarakkan kemajuan ke arah Memajukan Malaysia.



MENTRANSFORMASIKAN FIRMA-FIRMA DENGAN DANA IMPAK

Menambah Baik Syarikat-syarikat Peringkat Pertengahan (MTC)

Syarikat Peringkat Pertengahan (MTC) Malaysia memainkan peranan kritikal dalam merancang pertumbuhan ekonomi negara yang menyumbang dengan ketara kepada Keluaran Dalam Negara Kasar (KDNK) dan pekerjaan. Meskipun berpotensi besar, banyak antara mereka terus mendepani halangan dalam memperoleh pembiayaan yang diperlukan untuk meningkatkan skala dan mencapai pertumbuhan peringkat seterusnya.

Melalui Dana Impak, Khazanah menasaskan untuk menyokong pertumbuhan berpotensi tinggi MTC dengan memudahkan akses kepada modal, mengukuhkan kapasiti mereka untuk inovasi dan pengembangan, serta membolehkan perkongsian strategik yang mempercepat pembangunan. Pertumbuhan mereka memacu impak positif yang berpanjangan merentas ekonomi Malaysia.

Memangkinkan Pertumbuhan MTC kepada Peringkat Seterusnya



Salah satu inisiatif di bawah komitmen ini ialah Program Inovasi Pertumbuhan (MGIP) Kumpulan Pertengahan yang dirancang untuk memperoleh pertumbuhan selanjutnya bagi MTC Malaysia yang berpotensi tinggi. MGIP menasaskan untuk meningkatkan kedudukan berdaya saing produk dan perkhidmatan MTC melalui pemahaman yang mendalam tentang keperluan pelanggan untuk menemui peluang-peluang pertumbuhan baharu. Para peserta mempelajari cara untuk menggunakan metodologi 'Working Backwards', yang dirintis oleh Amazon, untuk membangunkan produk-produk baharu atau memasuki pasaran baharu melalui pendekatan yang disahkan oleh pelanggan.

Program yang rapi dan intensif termasuk Kelas Pakar selama lapan hari untuk melengkapkan MTC dengan pengetahuan dan kemahiran yang perlu untuk mengenal pasti dan mengesahkan idea-idea perniagaan baharu diikuti dengan bimbingan satu dengan satu untuk MTC yang disenarai pendek dalam masa sehingga 15 bulan. Ini termasuk panduan mengenai membina dan melaksanakan inisiatif perniagaan baharu dan meningkatkan pertumbuhan dan keupayaan inovasi mereka secara keseluruhan.



IMBAS SINI

untuk maklumat lanjut mengenai program MGIP.



MENTRANSFORMASIKAN FIRMA-FIRMA DENGAN DANA IMPAK

Meningkatkan Akses MTC kepada Pasaran Modal

Dana Impak menandatangani Memorandum Persefahaman (MoU) dengan Suruhanjaya Sekuriti Malaysia (SC) pada Oktober 2024 untuk meningkatkan akses pembiayaan bagi MTC Malaysia melalui pasaran modal, merangsangkan pertumbuhan dan pengembangan.

Di bawah perkongsian ini, kedua-dua pihak akan bersama-sama melaksanakan pelbagai inisiatif dan langkah yang memfokus kepada meningkatkan fasa seterusnya pertumbuhan dan inovasi MTC melalui kesediaan pasaran modal, iaitu:

- Inkubasi pencarian dana bagi 60-100 MTC untuk meningkatkan akses kepada Tawaran Awam Awal, ekuiti swasta dan sumber modal lain
- Program pembangunan kapasiti khusus untuk meningkatkan daya saing dan kapasiti inovasi MTC
- Pelaburan terfokus MTC lebih besar untuk melonjakkan pertumbuhan

Memudahkan Akses kepada Modal

Dana Impak juga memudahkan akses kepada modal untuk MTC dengan cita-cita yang jelas, asas yang kukuh dan potensi inovasi. Dana Impak bekerjasama dengan dana-dana Ekuiti Swasta dan Kredit Swasta yang memberikan wawasan sektor dan sokongan operasi untuk menyokong mereka dalam fasa perjalanan seterusnya. Kerjasama ini dirancang untuk meningkatkan akses kepada modal, mengukuhkan kapasiti penciptaan nilai dan melonjakkan kedudukan mereka pada peringkat rantau dan global.



Khazanah menandatangani MoU dengan SC pada 17 Oktober 2024 untuk menyokong SC 'Memangkinan Akses perusahaan makro, kecil dan sederhana (PMKS) and MTC ke Pasaran Modal: Pelan Hala Tuju 5-Tahun (2024-2028)' dan meningkatkan akses kepada pembiayaan pasaran modal bagi MTC Malaysia.



MENTRANSFORMASIKAN FIRMA-FIRMA DENGAN DANA IMPAK

Modal Strategik untuk Meningkatkan Ekosistem Semikonduktor Malaysia

Sektor elektrik dan elektronik (E&E) Malaysia merupakan daya penggerak utama ekonomi negara yang menyumbang dengan ketara kepada eksport negara. Pada hari ini, Malaysia ialah pengeksport semikonduktor keenam terbesar pada peringkat global dan memainkan peranan penting dalam rantaian bekalan global serta mengambil bahagian dengan penuh makna dalam revolusi digital yang sedang berlaku berkisarkan pada Kepintaran Buatan (AI), kenderaan berautonomi dan aplikasi semikonduktor penting yang lain. Melalui Dana Impak, Khazanah menyasarkan untuk menyokong Malaysia beralih kepada semikonduktor global dan rantaian nilai pengeluaran terkini.

Inisiatif ini menyalurkan modal melalui pelbagai pendekatan pelaburan seperti kerjasama mangkin dengan dana, pelaburan langsung dan usaha sama yang menyasarkan untuk melonjakkan kerumitan ekonomi negara dan keupayaan perindustrian.

Khazanah menjalin perkongsian strategik dengan pengasas bersama Vitrox Corporation Berhad, iaitu juara peralatan dan penyelesaian pemeriksaan penglihatan automatik di Malaysia dan Southern Capital Group, iaitu firma ekuiti swasta serantau, dengan melabur dalam Cambrian Fund. Perkongsian ini khusus untuk menyokong usahawan dan PKS yang memfokus kepada teknologi IR4.0, seperti penglihatan mesin, AI dan robotik. Ia memainkan peranan dalam mentransformasi ekosistem semikonduktor dan pengeluaran terkini di Malaysia dan melangkauinya dengan dengan membuka peluang-peluang pertumbuhan, memupuk penyertaan tempatan dan menyokong usahawan dan PKS inovatif untuk meningkatkan skala dan bersaing pada peringkat rantau.

Kami juga telah melabur dalam Syntiant, iaitu syarikat AI pinggir berasas di AS dan peneraju global dalam penyelesaian perkakasan dan perisian inovatif untuk penempatan AI pinggir yang komited terhadap mewujudkan pusat penyelidikan dan pembangunan (R&D) AI bertaraf dunia di Malaysia. Model-model silikon dan pembelajaran mesin yang dibina khas Syntiant ditempatkan merentas berbagai-bagai kes kegunaan pengguna dan perindustrian di seluruh dunia, daripada fon putik kepada kenderaan.

Pelaburan ini adalah sebahagian daripada komitmen RM1 bilion Khazanah untuk mengukuhkan ekosistem semikonduktor Malaysia, sejajar dengan keutamaan ekonomi negara di bawah Pelan Induk Perindustrian Baharu 2030 (NIMP 2030) dan Strategi Semikonduktor Negara.

